




H. XIII. 8




Nova-Tacina. Liter. -

937.  
1







Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



*Adl. 42*

D. O. M. A.  
GYMNASII ETHICI  
EXERCITATIO VII.

*De*  
Temperantiâ.

*Quam*  
PRÆSIDE  
HENRICO NICOLAI,  
Phil. Profes. Publ.

*Placidæ ventilationi subicit*  
GOTHOFREDUS RESSIUS,  
Silesius.

In Gymnasio Gedanensi.

*Ad diem Septemb.*  
*Horis locoq; destinatis.*

---

DANTISCI,  
Typis Viduz GEORGII RHETIL  
Anno M. DC. XLIX.

E. O. M. A.  
GYMNASIUM ETHICI  
EXERCITATIO VII.

THEOLOGICA.

HENRICO NICOLAI  
1774-1784

GOETTERLEBENS BESSERUNG

IN DER GOTTESLEHRE

VON JOHANNES

DAVID  
THEOLOGICAL SEMINARY  
AND COLLEGE



# EXERCITATIO VII.

De

## Temperantia.

**V**irtus directa *Universalis* Justitia Vni-  
versalis fuit, d. s. Sequitur jam *particularis*,  
circa particulare Objectum occupata. Hæc  
*primaria & in habitu* spectata vel ipsum pos-  
sidentem respicit, ut ille primò perficiatur, ejusq; actus  
potius in agente ac subiecto proprio terminetur, quàm  
alieno, ut Temperantia & Fortitudo: vel aliud quid,  
ut & istud iuветur. fructumq; virtutis sentiat, Quomodo  
Liberalitate, Urbanitate, Veracitate, Justitiâ particulari,  
Mansuetudine, magis alius, quàm nos juvamus. Hone-  
stas actus & perfectio moralis in agente quidem est:  
sed terminus & fructus potius in patiente & alieno ab  
agente est. Hoc Objectum particulare *vel externum est*,  
ut sumptus, Circa quem *sufficiencia, sedulitas, parsimonia,*  
*liberalitas, magnificentia, vel honor,* Circa quem modestia  
& magnanimitas, *vel conversatio,* in quâ virtus homile-  
tica, ut Humanitas, Urbanitas, Veracitas, Tranquillitas,  
*vel actio cum alio in externis,* ut mansuetudo, Justitiâ  
particularis: *vel gradus inusitatus,* in quo Virtus heroica,  
*Et secundaria,* quæ in virtuosâ dispositione spectata est,  
in quâ Semivirtus, Verecundia, Misericordia, Continen-  
tia, Tolerantia, Obedientia: vel deniq; in usu fructuq;  
spectata, in quo Amicitia.

2. Temperantia præmittitur fortitudini, quia prius  
in subiecto, mentem à pravo affectu, quàm urbem ab hoste  
custodire, prior naturæ ordine cupiditas nutriendi ac



generandi, quàm audendi aut irascendi, & *difficilius* est  
 seipsum & voluptatem, quàm hostem vincere, blandè  
 enim irrepit, & admisa laboriosè exigitur, & multarum  
 virtutum fundamentum in hominè temperantia est, ut *Ci-  
 cero* vocat. *Scaliger* matrem & normam cæterarum vir-  
 tutum dicit, 3. *Poet.* c. 1. Dignitatis ordine fortitudo an-  
 tecedere possit, ut & *Aristoteles* 3. *Nicom.* c. 9. *Martyr* in  
 2. *Nicom.* c. 7. *Acciaolus* in h. l. *Piccolomon.* quæst. 4. disp. 5.  
*Eust.* S. *Pauli* p. 3. *Eth.* tr. 3. sect. 3. *Morisanus* d. 5. *Eth.* q. 7.  
*Gutkius* d. 5. & 6. *Eth.* *Parvontius* d. 3. *Eth.* q. 3. 4. *Riedt* *Eth.*  
*nova* p. 71. 204. *Raconis* s. 3. *Eth.* q. 2. alijs faciunt. Vox ejus tro-  
 p icè interdum sumitur, ut aquila temperans, *Aelian.* lib. 1.  
 c. 6. Et omnis virtus temperantia, *Scalig.* cit. l. *Cicero* s.  
*Tuscul.* t. 42. *Jonstonus* *Ench.* *Eth.* c. 2. Interdum propriè  
 pro Virtute voluptatem gustus & tactus moderante, ut  
 hic. A temperando dicitur, & Græcis σοφωσύνη, Germ.  
 Nüchternheit; Interdum & continentia dicitur, ut *Valla* 4.  
*Eleg.* C. 4. Quamquam Philosophis propriè semivirtus  
 hæc. *V. disp.* 13. t. 15.

3. *Realis tractatio ejus* in definitione, subjectis, di-  
 visione, & cognatis, ac oppositis spectari potest.

4. *Definitio est, quod sit Virtus moralis directæ medio-  
 critatem prudentiæ circa voluptates gustus & tactus utendo  
 vel carendo servare faciens.*

5. *Genus est Virtus moralis directæ, Definitio enim  
 ejus illi competit, d. 4. t. 13. Et oppositum temperantiæ  
 Vitium est. Ergò hanc Virtutem esse oportet. Differen-  
 tia in cæteris est, mediocritatem prudentiæ servare fa-  
 ciens, in eo enim forma Virtutis. d. 4. t. 5. 6. Conse-  
 quenter & Temperantiæ. Servare faciens, hoc enim  
 proprium Virtutis, c. l. t. 9. Actus ipse servat medium, Vir-  
 tus servare docet, facit, & inclinatur. Hoc servare facere  
 redi-*



redigendo ad moderationem fit, quâ inordinationem, intensi-  
onem, extensionem, protensionem, & modum appetitus inferen-  
dum, non totaliter eradicandum & evellendum eum. Mode-  
ratè appetitu in gustando & tangendo uti debemus, non  
sine ullo esse, aut prorsus eum exuere. Et redactio ad  
moderationem fit, & recta rationis præscripto, ut oblatâ vo-  
luptate non statim appetitus proruat, sed attendatur,  
quid, quantum, quamdiu, qualiter usurpandam recta ratio  
dictet, & carentia ejus moderantè feratur. Nec enim ad  
cibos ac potus percolandos nati sumus, sed ad longè aliud  
quid. V. Sener. præf. L. 1. Nat. quæst. Et appetitus obsequio,  
ut rationem sequatur, non prætervehatur: Et exemplorum  
similium aut oppositorum conspectu, quibus vehementer mo-  
uemur. Sic Cato, Scipio, Themistocles, Socrates, Joh.  
Baptista, temperantes, Belsazer, Cleomenes, Antonius,  
Cleopatra, Candaules, Messalina, aliq; intemperantes.  
Exempla in Polyantheis, Valerio Max. Apolephie, Drexelio,  
Camerario, Erasmo, Zuingero, Beyerlingio, & aliis extant.  
Christianus etiam Scripturæ dicta, Luc. 11. Eph. 5. 1. Tim. 4.  
1. Pet. 5. Hebr. 12. Preces, quotidianam DEI cogitationem,  
Rom. 14. v. 6. Pauperum curam, Amos. 6. 7. & similia ad-  
hibebit, De quibus in Casib. Conscient. agitur. Et Ma-  
gistratus leges temperantiæ figet, quales Orchia, Fannia,  
Didia, Licinia, Cornelia. Specialia Jonstonus 3. Eth. c. 2.  
habet.

6. Ex Objecto circâ voluptates gustus & tactus dicitur.  
Objectum temperantiæ primarium est Voluptas gustus & ta-  
ctus, ejus amor, desiderium, aut occupatio. Non hic gene-  
ralissimè, nec specialissimè, nec generaliter voluptatem  
omnis sensus notat, etiam visus & auditus, ab his enim  
non intemperans aliquis vocatur. Ut si suavem Musicam

nimis audiat, insignem picturam nimis aspiciat, gratum  
suffitum nimis percipiat, nisi per accidens, si ea ad gustum  
& tactum aspiciat, ut suavem cibum, ut ultra modum  
eo se farciat, picturam, ut libidinem irriter, odorem vini,  
ut ingluviem impleat: *Sed partialiter* eam, quæ in gustu  
& tactu, quæ in illis materialis objecti est perceptio aut  
absumptio, unde nuda saporis discretio, ut vini pitislando  
facta Intemperatē non faciet, sed realis cibi absumptio,  
ut in Philoxeno, qui gruis collum optabat, ut cibi volup-  
tatem diutius persentiret, *Aristot. 2. Nicom. C. 13. Et non*  
*quæ per totum corpus tactus funditur*, ita si membrum frices,  
titilles, ad agilitatem, sanitatem, mundiciem, non est In-  
temperantia: sed quæ certum corporis membrum, ut os  
in cibando, & pudenda in veneriando.

7. Hæc Intemperantia *vel ratione Objecti fit*, cum id  
illicitum, ut quando cū meretrice, consanguineâ, consue-  
scitur. Sic Antiochus Stratonices novercæ amore exarsit.  
*Camer. C. 1. C. 4. Semiramis filii, Justin. l. 1. Phædra pri-*  
*vigni, Senec. in Hippoly.* Idem in Sodomitis & pæderastis  
contingit: *Vel ratione modi et circumstantia*, ut cum uxore  
propria ad lasciviam & libidinem quis abutitur, quod ex  
sententiâ Xysti cujusdam Pythagorei Hieronymus adulte-  
rium dixit *L. 1. C. 1. Jovin. C. 5. Et Ambros. L. d. Phil.* Abu-  
sivè, cum lascivia & impudentia propriè fit. Sic cum  
tempore luctus publici potationibus, choreis, Veneri,  
quis indulget. Sic Claudius in æde Martis commesatus,  
cum nec locus, nec tempus quadrarent. *Sueton. Claud.*  
*C. 33.* Deus tempore legis cum mulieribus suefcere pro-  
hibuit, *Exod. 19. v. 15. Cur sola voluptas gustus & tactus in-*  
*temperantem faciat*, reliquorum sensuum non item, ratio  
*Dee. 2. Mi. d. 6. 1. 12.* dicta est. *Quomodo voluptas res in sese*  
*licita*



licita & honesta, ex honestâ turpis evadat, hic quæritur?  
Non additione aut accretione, sed detorsione & viti-  
atione, ad objectum illicitum extensa, modo illicito oc-  
cupata, alieno fine rapta, priorem formam amittit, &  
inhonestâ fit.

8. *Secundarium est dolor ex privatione voluptatis  
appetite exurgens*; unde *utendo & carendo* medium servare  
temperantia dicitur. Dolor hic non Physicè acerbiter  
sensationis externæ, sed moraliter ægritudinem notat, quâ  
carentia voluptatis molestè fertur, & præsentia expeti-  
tur. *Consequenter* & hunc temperare debet, ut moderatus  
sit, non immoderatus. Sic sufficientia & præsentia opes  
moderari, & carentiam earum moderatè ferre docet.  
Variè aliàs definitur *temperantia*, ut firma in libidinem  
ac pravorum animi motus dominatio, ut *Cicero*, vel insupe-  
rabilis dispositio eorum, quæ rectæ rationis sunt, ut *Ze-  
no*, vel Virtus nos respiciens, concupiscentias vel affectus  
moderans, ut *Jonstonus*, quæ omnia nimis lata, incompe-  
tentia, & aliena sunt. Ut *d. 5. dec. 3. t. 9.* ampliùs dictum.

9. *Subiectum temperantia idem cum Virtute est*, de  
quo *d. 4. t. 10.* Divisio ejus in frugalitatem & Castitatem est.  
*Frugalitas est temperantia, gulam & alimentum moderans.*  
*Estq. abstinencia & sobrietas.* Illa, quæ alimentum cibi  
quantitate & qualitate moderatur. *Quantitate*, ut sub-  
jecto sumenti ea competens sit. Plus sumere potest Milo,  
quàm valetudinarius, quia robustiore naturâ præditus, ut  
non sit intemperans. Medium enim hic ex determinatione  
prudens pro circumstantiarum ratione servandum est,  
*d. 4. t. 9.* Pontificij pro abstinentiâ unam comestionem  
de die requirunt, *Thomas 2. sec. 9. 147.* *Valentia T. 3. d. 9.*  
*q. 2. Bellarm. l. 3. d. bon. op. C. 1. 2. Lessius L. 4. d. 1. & J. C. 2.*

Beca-

*Becanus, Cotonus, aliiq;.* Sed nec hoc præscribi potest, & nihil comedere Jejunium facit, non temperantiam; hæc enim non numero comestionum, sed moderatione assumptionis definienda. Non nihil, sed moderatè comedere temperare est: Nihil comedere jejunare est. Ubi autem semel comeditur, jam comestio Jejunii esse tollit, terminumq; ei ponit, unde in sacris sæpè usq; ad vesperam jejunasse dicuntur, *Judic. 20. v. 26. 2. Sam. 1. v. 12. C. 3. v. 35. & 1. Sam. 31. v. 13. Ac 1. Chron. 10. v. 12.* septem dies jejunasse, nempè per diem naturalem à solis ortu numeratum jejunârunt, & tùm nihil comederunt: Ad vesperam post solis occasum comederunt, & tùm finis jejunii exitit, non autem cibo sumpto adhuc jejunium duravit; nec è sacris locus aducetur, ubi cibus per diem semel captus jejunium vocabitur. Nam totalis hoc cibi abstinentia, non unica comestio in illo est. De qvo plura in Theologicis.

10. *Qualitate*, ne curiosè nimis delicatus cibus solius gulæ gratiâ quærat. Hoc enim Intemperantem facit. Unde Apitii, Lurcones, Parasiti. *An humanis carnibus ultimâ necessitate vesci liceat, quæritur? Victoria d. temp. n. 6. & Valeria T. 3. d. 9. q. 3.* negant. *Lesius l. 4. d. 1. & J. C. 3. d. 2. & Cajetanus, Toftatus, Toletus,* apud illum, *Meisnerus p. 3. Ph. s. 1. C. 5.* affirmant, Et probabilius est. Sic enim & medicamenta ex carne humanâ sumuntur, & avibus devoranda ea exponitur in facinorosis, & sanguis humanus ob certum finem hauritur. *Oppositum frugalitatis partim excessus*, ut Voracitas, nimii cibi sumptio quantitate aut qualitate, Vbi verum quidem illud *Seneca*, Venter præcepta non audit, poscit & appellat: Verum tamen & id, quod subjicit, Non tamen molestus est cre-



est creditor, parvo contentus est, si das illi, quod debes,  
non quod potes: *Partim defectus est*, ut nimia cibi absti-  
nencia & corporis maceratio, *neglectus, non delectus*, & ci-  
bos vitare, non variare. In quo iterum Papistæ Jejunium  
locant, cum carnibus abstinent, & piscibus ac conditis,  
& bellariis fructibusq; vescuntur. In quo tropicum & æqui-  
volum Jejunium, non proprium est, & locus *Dan. 10. v. 2.*  
alienus est, cum lugere suumibi describat, non Jejunare.  
*Conf. 1. 9. Et Passional. 1. 5. 6.* Paulinus Episc. picturas in  
conviviis Nataliis proponere solitus est, ut iis spectandis  
intenti moderatius convivæ ederent. *Steinitius l. 2. Gress.*  
*triumph. c. 5.*

11. *Sobrietas est temperantia alimentū potus quantitate*  
*& qual. moderās. V. 8. 9. Oppositū in excessū est ebriositas, habi-*  
*tus se inebriandi, qui & quantitate discretā ac multitudine,*  
*& continuā s. magnitudine, & qualitate, ut nimis cupidē,*  
*raptim, delicatē, ore patente, loco & tempore inconveni-*  
*ente, & nimis pretiosus statum indecens, & intentione, ob*  
*solam gulæ delectationem, committatur, cum poculum*  
*necessitatis, salubritatis, ut 1. Tim. 5. v. 23. Jucunditatis, ut*  
*Gen. 43. v. 34. concessum sit, non ebrietatis, ut Hippocrates,*  
*Avicenna, Rhasis, volunt, Quod & Seneca concedit d. tran-*  
*quill. C. 15. Cum non facienda mala sint, ut bona eveni-*  
*ant, ut vomitione natura levetur, eum tot cruditates ex*  
*ebrietate relinqui, quā vomitū ejici possint, aut melius*  
*literis invigiletur. Quod lusciosos melius rectē videntibus*  
*videre dicere est, ut rectē Guskius d. 6. Eth. q. 1. In defectū*  
*nimia potus abjectio, quo Enecratius, Severiani, Mago, La-*  
*syrtæ, Andro, aliiq; laborasse dicuntur, cum alias rarum sit.*  
*V. dec. 3. d. 5. 11. Et deterius vitium hoc voracitate est, quia*  
*& plurium morborum in animo & corpore, tandemq; &*  
*inter-*

interdum celeriter mortis causa est, & ferme omnia Decalogi praecepta laedit, ut farrago scelerum sit. Et si voracitas ob crassitiem & corpulentiam cibi coctionem difficiliorem suggerat: Et deterior Intemperantia etiam timiditate sit. *V. Arist. 3. Nicom. c. 15. Strauchium C. 1. qv. Eth. dec. 9. qv. 1.*

12. *Castitas est Temperantia appetitum Venerium moderans. Estq. Virginalis*, ut in Iosepho, *Gen. 39.* Quæ si libera, ejus, qui donum continentiae habet, & sufficienter se probavit, legitimoq. fine, non cum Conjugii contemptu, occupata sit, non coacta, perpetuis votis aut in longum tempus adstricta, improvidis ætatibus, quæ nondum satis se probant, imposita aut persuasa, alieno fine, ut merito vel cultu exercita, omnino probanda, ut in Paulo *1. Cor. 7.* Secus ac apud Pontificios fit, ubi & theoria & praxis peccatur, & certus vitae status, Sacerdotalis, à conjugio arcetur, contra regulam & praxin Apostolorum, & primorum post illos seculorum, etsi in Niceno Concilio jam iniquitas moliri ceperit, quæ tamen Paphnutij contradicentis prudentiâ disjecta fuit, ut *Socrates L. 1. c. 8. Sozomenus L. 1. c. 22.* tradunt. *Suaderi celibatus Clericis potest, non suberi*, cum nec Lex de eo in Sacris extet, nec necessarium statui illi connexus sit, vel esse debeat, sed totum hoc traditione humanâ, & exemplis quorundam persecutionis tempore tum quotidie Christianis à Judæis & Gentibus imminentis, quam *ἐπερωσαν ἀνάγκην* Paulus vocat, *1. Cor. 7. v. 27.* ad consilium ejusdem *c. 1.* statum istum eligentium & colentium nitatur, donec temporis progressu Consuetudo id in legem vertit, ut *historia Ecclesiastica* docet. Sic Jeremiz ad tempus prohibitum, in certo loco uxorem ducere, *Jerem. 16. v. 23.* Et sub vastatione Jerusalem beatæ steriles prædicantur, *Luc. 23. v. 29.* Sed lex de perpetuo cœli-



coelibatū & votis constricto non reperitur. Inde *Canones* quidam, Ut 6. Apostolorum, *Clemens L. 2. Constit. Nicana* & *Trullana Synodus, Concil. Gangrense Can. 4.* Et ex ipsis *Pontificiis Gratianus d. 28. C. 13. Et d. 31. C. 13. Durandus, Innocentius IV. Panormitanus, Aeneas Sylvius, Fricius, Cas-sander, aliq;* Sacerdotes conjugatos esse admiserunt, & quidam Reges ac Duces de eo per Legatos in *Concil. Tridentino* multum laborarunt, ut *Ferdinandus 1. Imp. Henricus II. & Carolus IX. Gall. Reges, Bavariz Dux & alij. Iudei & gentiles* quidam coelibatum in totum dam-narunt, Contra *Matt. 19. v. 12. 1. Cor. 7. v. 26. Alij* quibus-dam de necessitate eum imposuerunt, Vt Clericis *Ponti-ficij. Rectius* liber certisq; subiectis competens relinqui-tur. *Vigilantius* coniugij Sacerdotum necessitatem, *Pon-tificij* coelibatus necessitatem, Nos utriusq; libertatem pro conditionis ratione in utrisq; propugnamus.


13. *Conjugalis, qua in conjugio ordinem DEI & de-orum honesti servat.* Ei quidam Veterum & recentio-rum iniquiores sunt, & coelibatum nimis extollunt, Vt *Hieronymus, Tertullianus, Gnostici, Satrunini, Tatiani: Et Vidualis, qvæ post conjugium animi munditiam servat. Diviso* est subiecti in accidentia, ex diverso statu eorum, qui colunt eam, sumpta, non generis in species. De me-dijs castitatis Scripturam, *Senecam, Drexelium in Nicetâ & alijs scriptis, similesq; vide.*

14. *Oppositum ejus in defectu stupiditas & insensa-tio, ut in Michaelæ Vero, Casimiro Pol. Regis filio, ali-isq; de quibus c. l. 1. 12. In excessu salacitas ac libido est, Interna, externa, verbalis, realis, quorsum & Chorea la-sciva; petulantes, & impudicæ pertinent, qvæ ductus Chrysostomo sunt, quorum centrum diabolus est, cum per*

se indifferens chorea sit, per aliud & objecti, modi, circumstantiæ, ratione, illicita fieri possit, ut & quæ sexu commisto sit, quæ gravitati Christianæ magis adversa, quàm apta aut cognata est, prout apud Gerhardum, Brochmandum, Meisnerum, Alstedum, Munsterum, Gualtherum, aliosq; plura videantur. Item concubitus inhonestus vel ratione objecti, ut cum dæmone, *V. de Magicis, d. 4. & 5.* Scorto, Uxore alienâ, consanguineâ, puero, bestiâ, menstruâtâ, qui olim capitalis, *Lev. 20. v. 18.* Unde stupra, scortationes, adulteria, incestus, pæderastiæ, sodomix, magicæ infamiæ, & similia, quæ multis gentibus usitata fuere, ut *c. l. t. 13.* dictum. Gentibus scortatio indifferens erat, *V. Terent. Adelp. 4. 1. f. 2.* Unde Apostoli indifferentibus conjungunt, ut esui sanguinis & idololythi, *Act. 15. v. 20.* Et ex hæreticis Libertini, Gnostici, non peccatum habuerunt, ut *Lesius 4. d. 1us, C. 3. n. 47.* tradit. Sed in ordinatâ Repub. lupanaria prorsus non ferêda, *Deut. 23. v. 17. 18.* Vel ratione modi, cum contra vas, decorum, & gravitatem etiam licitus aliàs concubitus exercetur, vel circumstantiæ, ut alieno loco & tempore. Exempla in Polyantheis vide. Remedia hi versus tradunt. *Lectio, flagra, preces, Confessio, Lympha, labores, portarum excubix, Christi presentia, pœna. V. Drexel. in Nicetâ.*

15. Cognata temperantiæ omnes continentie sunt, quâ à voluptatibus abstinetur, sed remissè & cum luctâ, ut interdum etiam succumbas, *V. d. 13. t. 8.* Opposita ejus excessus sunt, ut intemperantia, vitium morale, modum in appetendis voluptatibus gustus & tactus specialibus excedens. Cujus species *t. 10. seq. deductæ, & defectus, stupor, Insensario, ac naturæ dolentia*, quæne licitæ quidem voluptates gustus & tactus appetuntur aut usurpantur. Species ejus *c. l. deductæ, Affines ei fuerunt Stoici, affectus eradicandos, non domandos, docentes. V. Hornejum 2. Ethic. C. 6. Plateanum L. 2. Eth. Chriff. c. 15.*



itini  
ere  
and  
re.  
li-  
to:  
are,  
  
no-  
r li  
pe-  
"

